

Delegatkinja Nermina Kapetanović postavila je tri pitanja.

Prvo pitanje postavljeno Vijeću ministara BiH glasi:

Da li je tačno da je Vlada Kantona Sarajevo prodavala Vijeću ministara BiH poslovni prostor po cijeni od 2.000 KM po m², a da je Vijeće ministara BiH odbilo tu ponudu i odlučilo se za skuplju varijantu po kojoj će cijena kvadratnog metra poslovnog prostora iznositi 5.300 KM? Prilikom rasprave u oba doma PSBiH poslanici i delegati su zahtijevali od Vijeća ministara BiH da vodi računa o racionalizaciji pri utrošku sredstava vezanih za zakupnine poslovnih prostora. Čime se rukovodilo Vijeće ministara BiH da ovako postupi?

Drugo pitanje upućeno Ministarstvu sigurnosti BiH glasi:

– Šta je Ministarstvo sigurnosti BiH uradilo po pitanju rješavanja rastućih problema u smislu kršenja prava povratnika i ugrožavanja njihove sigurnosti i ohrabivanja ekstremnih pojedinaca od strane pojedinih zvaničnika institucija entiteta RS da čine teška krivična djela protiv života i imovine povratnika?

Treće pitanje upućeno također Ministarstvu sigurnosti BiH glasi:

„Šta je urađeno na rasvjetljivanju brutalnog ubistva Ahmeta Hasanovića, povratnika u općinu Zvornik i napada na dvoje hrvatskih povratnika Nikolu i Maricu Crepulj u selu Ratanji? Šta će se uraditi na rasvjetljavanju ovih slučajeva s Tužilaštvom BiH?“